

SOALAN NO. 13

PEMBERITAHUAN PERTANYAAN BAGI JAWAPAN LISAN

MESYUARAT KETIGA, DEWAN RAKYAT

PENGGAL KEEMPAT, PARLIMEN KETIGA BELAS

MAJLIS MESYUARAT DEWAN RAKYAT

PERTANYAAN : JAWAB LISAN

DARIPADA : DATUK AARON AGO ANAK DAGANG

TARIKH : 01 NOVEMBER 2016 (SELASA)

SOALAN :

Datuk Aaron Ago anak Dagang [Kanowit] minta MENTERI PEMBANGUNAN WANITA, KELUARGA DAN MASYARAKAT menyatakan apakah bentuk bantuan yang diperuntukkan bagi membantu golongan ibu tunggal bagi menjamin nasib mereka dan anak-anak terus terjamin.

JAWAPAN: YB DATO' SRI ROHANI ABDUL KARIM, MENTERI
PEMBANGUNAN WANITA, KELUARGA DAN
MASYARAKAT

Tuan Yang di-Pertua,

Kerajaan secara amnya dan Kementerian Pembangunan Wanita, Keluarga dan Masyarakat secara khususnya amat komited dalam usaha-usaha untuk membantu golongan ibu tunggal bagi menjamin nasib mereka dan anak-anak terus terjamin.

Antara bantuan yang diperuntukan bagi golongan ini adalah:

1. Bantuan Kewangan:

- 1.1. Bantuan Kanak-Kanak ;
- 1.2. Bantuan Am;
- 1.3. Bantuan Geran Pelancaran;

2. Bantuan Pakej Perniagaan;

- 2.1 Program 1AZAM;
 - 2.1.1. Azam Niaga;
 - 2.1.2. Azam Khidmat;

2.1.3. Azam Kerja;

2.1.4. Azam Tani;

3. Bantuan Latihan dan Perkembangan Perniagaan:

- 3.1. Program Inkubator Kemahiran Ibu Tunggal (I-KIT);**
- 3.2. Program Inkubator Keusahawanan Wanita (I-Keunita);**
- 3.3. Program Bazaar Wanita;**

Sebagai menyahut saranan kerajaan dan usaha Kementerian untuk mengoptimumkan sumber, pihak Kementerian, secara usahasama dengan Institut Keusahawanan Negara (INSKEN) akan bercadang untuk mewujudkan *One Source Referral Centre*, di mana *Referral Centre* ini akan memainkan peranan sebagai pusat informasi serta khidmat nasihat kepada para usahawan dan juga golongan ibu tunggal untuk mendapatkan maklumat mengenai kaedah permohonan serta bagi sumber-sumber dana yang boleh dimohon bagi tujuan permulaan perniagaan dan kesejahteraan hidup. Untuk tujuan ini, Kementerian, bersama INSKEN, akan melatih pegawai-pegawai yang sedia ada melalui Kursus Bis Fasilitator dan Kursus Bis Kaunselor untuk menjadi agen penasihat dan perunding kepada golongan usahawan ini.

Satu lagi program yang akan diadakan bersama INSKEN adalah Program Peningkatan Kapasiti Usahawan, di mana program ini dirumus khas untuk usahawan-usahawan daripada kumpulan sasar Kementerian, yang juga merangkumi ibu tunggal, yang telah memulakan perniagaan. Di mana golongan usahawan ini akan diberikan tunjuk ajar serta bimbingan bagi mengembangkan perniagaan sedia ada ke tahap yang lebih tinggi sekaligus meningkatkan tahap sosio-ekonomi golongan ini. Melalui kerjasama ini, pihak Kementerian dan agensi akan memainkan peranan sebagai pemberi bantuan pada peringkat permulaan dan pegawai-pegawai yang telah dilatih pula akan memainkan peranan sebagai fasilitator dan jambatan dengan pihak/agensi lain seperti Unit Peneraju Agenda Bumiputera (TERAJU) dan INSKEN.